

A DESULU

DESULU M'HAS DADU SOS NATALES
E SES SA TERRA INUE SO NASCHIDU,
INUE HAPPO CUMPAZOS E FEDALES.

TANTU TEMPUS IN CUE'HAPPO BIVIDU
IN SAS BELLESAS TUAS DE NATURA
SES'ISTADU SU PRIMU MEU NIDU.

E COLLOCADU IN D'UNA BELL'ALTURA,
CHI S'IDE SA SARDIGNA TOTTU CANTA,
DOMINAS D'OGNI BASSA PIANURA.

VISITADA CHE UNA TERRA SANTA
B'HAD'ARIA SANA E ABBA ONA
BENI DAE LONTANU ZENTE TANTA.

A VISITARE CUSTA BELLA ZONA
BENINT'ATI CHIRCARE SOS TURISTAS,
CA DE CUSTAS'ALTURAS SES PADRONA.

CANTU IDEN SU LOGU INUE ISTAS
FAGHEN PROMISSA DE BEI TORRARE
E T'ISCRIENE IN TOTTU SAS RIVISTAS.

PO NON TI PODE PIUS'ISMENTIGARE,
DEO TI TEGNO IMPRIMIDA IN SU CORO,
FIN'A MORTU CHERZO RIPOSARE.

CA SES PRO ME PREZIOSU TESORO
COMO CHI SEO ZUNTU A SA EZZESA
E D'ESSE FIZU TUO MINDE ONORO.

CARA PATRIA MIA DESULESA
ISCULTA CUSTU FIZU CHI T'OVRAMMA,
CA MANCARI BIVIU IN POVERESA.

T'HAD'IN CORO CHE UNA VERA MAMMA,
MA PO TI NARRE SOS CHI TI MERITAS
NON POSSEDO POETICA FIAMMA.

SOLTATU CUSTAS PAGINAS ISCRITTAS
PRO MEMORIA MIA HAPPO LASSAU
MA SUN DE RIMA TROPPIU POVERITAS,
CUMPOSTAS DE SU FIZU TUO AMAU.

LIBERATO LAI
SAN GAVINO MONREALE